



**AGNICO EAGLE**



**Mi oowe Agnico Eagle ka  
ocitotc nawatc kidji**

Mino kikenimitinaniwak 2024  
Anicinabe

# Mino kikenimitinaniwak. Agnico Eagle



Agnico Eagle Kitci mica Canada ici takwan ka ocitote monaikanan mi pecik ka nikanitc e ocitote kakina kekonni monaikanakak ka otinak piwapik acite osawi conia misiwekamik tewak, weti Australie, Finlande acitc Mexique kakina otici ociton e paba nda kikenidak ati eci takwak kekon anamakamik mane weti micimokomanakik tewak actic. Kakina ici kikenimakaniwi Agnico Eagle misiwekamik wewenda e ocitote monaikanan.

## Ka kikemidak akini

Agnico Eagle okikenda kakina ka ici ocitotcin omonaikanan kidji manadjitotc Anicinabe otaki kiapatc e manewatc Anicinabek. Ni manatcitonanan kakina nitam Anicinabek otakiwan acitc e minatcitoc kakina akin. Kapena nika mikidanana kidji mino kikenimitinaniwak acitc kidji ani takwak kakina kekon weti nikan.



## Caley Leroux animwe

Caley Leroux niticinikason aiamie wison Wâwâskesim kwe eakitomakak noce wawaskesim. Nin dac kiwetinok anicinabe Taykwa Tagamou. Ni pamiikwewinan ni mikidan kikewin akikak Anicinabe ka ocki matisiwatc ka tacikewatc. Ni minwendan e matinamakean kakina anicinabe inatisiwin ikiwe nicin (2) nitapinotcicimak. Nimasinipiike midac wetinaman iima akikak kakika anicinabe kapi insatisitc weckatc weti Mushkegouwuk aki. Mocak nitica nopimik nitanoki acitc ni kikosike acitc nikapecian.



# Kitci mino pec8amitinani8ak anicinapekak

Lima Agnico Eagle kabena mikidjicate kidji ani mino kikenimidinaniwak kabena tebwendamowin acitc mikimitisowin mino pimatciowin acitc kidji manadjitcicate kakina kekon ati anicinabe etotak e pimatisc acitc anecitatc. Ki inendagwan kidji onatcicatek ati maia ke icinakwak mino kikendamowin acitc kidji nosoneikatek maia eci pimatisek.


Aca kinwec Agnico Eagle mane pipon kapena omikitan anicinaben widji mikimomadjin, nokom mino kikenimitiwin kitci kekon kidji tewatc anicinabek, midac ke ani mackawisimakak kidji mino kikenimitinaniwak.



# Ecina kwak mino kikenimitiwin

Agnico Eagle otici kanawapatan kidji mino kikenimitinaniwak kapena nokom kakina kekon ani atcise. Ninawit ke totamak kidji widokawagwak anicinabek kidji ki mikimitisowatc kakina ka ici mikimowak acitc kidji ki takwanik mikimowin acitc kikinowamakewin kidji mino pimatisiwiatc.


Kapena nika mikidanana kidji mino widji mikimonaniwak ki ocitcicate mega kidji widjiitaniwak anicinabek kewinawa. Ni tapitendana keninawit ati eci kac kitowatc acitc wekonen netawendamowatc midac kapena niga nosoneanan kidjo mino mikinowak kapena kidji nakwak kidji minonawak aki acitc kidji minosek kakina kekon ati ka ici ntawedawak kekon ka tacikaniwak kakina anicinabek ekitci inendakwak.



# Pecotc

Kidji minosek mino kikendamowin nika asananak 250 awiakok anicinabek acitc ka wabisiwatc awiakok. Kapena ki pakickotatiwak kidji mino pimitek kakina kekon. Kakina ka nikaniwatc.





**Iciticikan acitc  
icikapawin**

## Iciticikan 1: **Nikaniwin acitc okimawin**



1. Kidji ocitcikatek okimakak kidji noseneikatek ati ka icitcikatekipan minokekendamowin Agnico Eagle ka onatote e kitci apitendakwak ka ocitcikatek.
2. Kapena kidji mino mosemakak ati anicinabekak ka ici widji mikimonawicak mega Agnico Eagle ka ici pakosendak kidji minokikenimitiwatc kakina awiakok.
3. Kidji tewatc komiti anicinabe kidji kabena acitapic iima Agnico Eagle omikimowinikak.
4. Kidji kikinowamakaniwitc Agnico Eagle anicinabe pimatisiwini kidji nawatc kikenimatcin anicinaben.
5. Kidji takwak nakickotatiwin kabena ka nikaniwate kackak kidji nawatc kikenimawatcin anicinaben.
6. Kapena ka nikaniwatc kidji widamatiwatc anicinabek acitc ka wabisiwatc e kitci inendakwak mino kikendamowin anicinabekak.

## Iciticikan 2: **Kikinowamakewin**



7. Kidji takwak mikimo kikinowamakewin kakina ka nikaniwatc mikimowinik kidji kewina anicinabec kidji mawasako mikimowatc maia kidji icinakwak ii kikinowamakewin.
8. Kidji ocitcikatek maia ke icinakwak kidji kikendakwak anicinabe otaki acitc tac Agnico Eagle kidji otapinak ati anicinabe eci ndawendak.
9. Kidji ocitcikatek anicinabewatisiwin kikinowamakewin Agnico Eagle anotakanak kidji kikinowamasowatc kakina ka ici monaikaniwack. Kidji takwak e nakwak inikik ecamakak ka takwak minokikendamowin taso pibon kidji takwak.
10. Kidji onatcikatek ati maia e ani icinakwak anicinabek kakina ka ici mikimoinikaniwak.
11. Kidji asakaniwatc conia ka kikinowamasowatc kidji ki minakaniwitc weti Agnico Eagle ka ocitote o monaikan. Iiwetac kikiwamakanak oka kitci widjiikonawa kidji kicitowate e kikinowamasowate kawin mamakatc monaikan mikimowin.
12. Kidji takwak mocak anicinabe inatisiwin ati anicinabe ka ici ndawendak.

### Iciticikan 3:

## Mikimowin



13. Kidji takwak kekon kidji widji anicinabe e mikimotc iima Agnico Eagle monaikanikak.
14. Kidji wewenda icinakwanik anicinabe ka ici mikimotc.
15. Kidji widji mikimomakaniwiwatc anicinabek ka tacikewatc iima akikak ka ockimatisiwatc acitc kidji ocitcikatek mikimowin wabadaiwewin wet: Agnico Eagle kaici mikimonawatc.
16. Kidji kawetcmakaniwiwatc anicinabe kanotakakati kenendamowatc ka ici mikimowatc iima Agnico Eagle.

### Iciticikan 4:

## Anicinabekak



17. Kidji ocitcikatek anicinabe inatisiwin widamakewin Agnico Eagle ka ici monaiketc. Acitc kakina kidji kikedamonaniwak anicinabewatisiwin Agnico Eagle ka ici mikimotc. Kabena kidji nakwak ati ecamakak ka ocitcikatek anicinabewatisin.
18. Kabema kidji tetc awiak kidji ani tipatcmotc ati maia Agnico Eagle ecinakwanik e monaiketc tipatcmowin kidji takwak.
19. Kikendamowin kidji takwak kapena kidji kikenimidiwatc ka wabisitc acitc anicinabe.
20. Kidji takwak kapena widiitiwin anicinabekak acitc monaikewinikak ka ani micak kidji ani micak kidji mino widamatinaniwak kapena kidji mackawisimakak widji mikimowin.
21. Kapena kidji nagatcicikatek anicinabe icikicwewin acitc anicinabe icwitwawin.
22. Kidji nackickotiwatc taso pibon anicinabe komitik kidji kikendakwak ati maia e ani icamakak minokikendamowin anicinabekak kidji icamakak.
23. Kidji kapena nda kikendjikatek kidji ani mino widji mikimonaniwak acitc kidji pakitiniketc aawe ka mikimowiniketc anicinabekak.
24. Kidji nockwanik anicinabe otocitcikak iima pitikamik ocipiikewikiwamik Agnico Eagle.

## Iciticikan 5: **Coniakewin**



25. Kewinawa anotakanak ka mikidamowatc kakina kekoni kidji wabadamowatc ati eci ani minosenik anicinabekak wewenda e ani kikenimitinaniwak mi pecikwan ocki mikimowinik.
- 
26. Agnico Eagle kidji atotc tipatcimowin ati e ani icisek mikimowin anicinabekak.
- 
27. Taso pibon kidji ocitcikatek minokikendamowin iima anicinabekak widamakewin.
- 
28. Kidi kikendakwak ati eci minwacik e ani mino mikitcikatek kidji matinamakaniwitc conia anicinabekak ati maia enabatisitc conia.
- 
29. Wewenda e nakickotatinaniwak anicinabe kada nakomo Kewin ati ke ani icinakwak acitc Kewin anicinabe oka mikidan kakina kekoni ka taciketc: mikiwaman, kikinowamakewin, conia inakonikewin mino pimatisiwin acitc mino opikiwawason iima anicinabek kakina e kanawabatcikatek conia acitc kidji ani micatcikate ka taciketc anicinabe.
- 

## Iciticikan 6: **Aki ecinakwak**



30. Kapena kidji nakatcicikatek aki Agnico Eagle ka ici monaiketc acitc kewina kitci anicinabek kidji acitapitc. Kicpin eka tewatc maci kitci anicinabe komiti panima kada ociakaniwiwak.
- 
31. Okimak ka otcimakak kekon pani kepena kada nda kikendjikate wecka anicinabe kapi abatcitote.
- 
32. Komiti kikendamowin kidji Agnico Eagle kabena kidji mikidak ka ani micatotc e monaiketc.
- 
33. Acitc kidji widjiakaniwatc anicinabe Kewin kidji nagatcitotc ka ani micanik Agnico Eagle o mikimowin.
-

## Iciticikan 7: Mino Pimatiswin actic akwamiwin



34. Kapena kidji nakatcickatek kidji ki mino mikimowatc anicinabek acitc kidji mino pimatisitc atikotc ecitipaaketc.
35. Kakina kekoni kitci ki minakaniwitc anicinabek nedawedak pecote winiak ka ici mikimonaniwak tapickotc iwewak ka icawatc e matcisewatc.
36. Kapena kidji nagatcickatec kekon otci matcisetc koni. Manenawakaniwitc anicinabe anitakan.
37. Kidji ocitcickatek widokakewin kidji ki matcisetc anicinabe e mikimote acitc ka widjimikimomacjin.
38. Kidji widjiakaniwat awiakok kidji mino pimatisiwatc kewinawa kwatakiak anicinabek. Agnico Eagle Kewin kidji atotc keki ici widjiwetc kidji mino pimatisiwatc anicinabek
39. Kidji takwanik ikwewak kewina kidji acitci mikimowate e mawakoapiwate.
40. Kapena kidji mikidjikatek eka kidji madjenimakaniwitc anicinabe.

## Ke nosoneikatek

Aca onatcicate minokikenitamowin ni kitc mikitanana kapena kidji mino manatviitinaniwak anicinabek tapickote ka wapisiwate acitc kakina awiak tabockotc ati anicinabe ka ici widjiwetc. Kapena kakina awiakok kidji ki mikidak kidji kapena ani micak e mino widjiitinaniwak.

Midac oowe ka ininikatek minokikenimitinaniwak anicinabek acitc ka wapisiwate mi oowe ka kicipitek ocipiikan e takwak: web official Agnico Eagle : [www.agnicoeagle.com](http://www.agnicoeagle.com).



**AGNICO EAGLE**

[agnicoeagle.com](http://agnicoeagle.com)



Nokom oowe ka ikidomakak kidji mino kikenimitinaniwak weti nikan kidji apatak weckatc ka ocitcickatekapan kitci masinaikan ocipiotowin ii apitc 1995 weti Micimokomanakik. Midac kada ki apatan ooma Canada acitc kobec inakonikewinan iima kakina ka micakin kekonan midac ke apatcickatek weti nikan oowe ka icitcickate kidji kabena takwak ki onatcickatek acitc kidji mackawisimakak ati maia ka ikidomakak midac ecinakwak kabena kidji nosoneikatek mino kikenitamowin iima anicinabekak, kidji otitamokak kakina ka onatcickatek oowe mino kikenitamowin ati kotci ke icinakwak. Midac Agnico Eagle o tepletan ka ikitomakak onowe masinaikanan ka takwak mino kikendemowin midac kada ki adjise nanikotin. Minwacin kidji apatak oowe kapi ocitcickatek misawatc tac kada adjisewan ati iima ka ici ocitcickatek coniakewin. Ka ocitcickatek ke ani icinakwak panima kada kapena minopitcicate ka kitci apitendakwak, newak nanikotin pakanise kekon kakina kekon kapi onatcickatek ka ocitcickatekpan 31 pitci pipon kisis 2023 midac ii apitc ka onatcickatek kakina ka mikitcickatek inakonikewin odji iima Canada, nakwan iima ka ocitotc peciko pipon masinaikan 40 – f ka icitcickatek kidji apatak 31 pitci pipon kisis 2023 ka atcickate iima oowe securities and exchange commission micimokomanakik. Ki icitcickate kidji kiekndakwak kiscpin eka minosek oowe sociétée ka icinikatek ka ocitcickatek kidji nisotitakwak wekonen maia ka mikitcickatek nikan kidji ani mikimomakak acitc kidji minokikennimitinaniwak panima tac ki tipatcimonaniwak taso pipon iima sociétée acitc masinaikanikak ka inasinatek 40 – f iima Canada ka ici apitc otinakonikewin acitc iima ka icinikatek securities and exchange micimokomaniwini ka ici apitc kewin. Kiscpin eka wi adjitotc otinakonikewin societate kawin oka adjipitosin kekoni acitc kawin oka inacwatosin iuwe ka onatcickatek.